

35

30

25

20

15

10

星巖集

丁集

丁集

津田文庫

文庫 1

1685

7

玉池吟築記

江城東隅、迤北至柳原、市塵稍疎、舊有一泓水、  
號曰玉池、鄉者有西野天民兩詩老、相繼居於  
此、並有亭榭花竹之勝、以張壇坫、一時才俊、靡  
然從之、號稱江湖社、海內艷慕焉、曾幾何時耶、  
累遭大災、風流蕩然、追憶往事、恍如隔世、而都  
門文雅、遂致寥落、可勝歎哉、吾友羨濃梁公圖、  
少時預江湖之盟、詩名既著、其後遠游、殆二十  
年而還、居未有所定、今茲秋遂相此地、求繻之  
池、而弗可識、乃別開一池、環植竹樹、構屋於其

上而名依其舊、曰玉池吟築、余謂公圖江湖浪士也、飄然漫遊、不受拘束、詢其遊踪所及、東至筇波、西至筑石、多涉名山水之境、每有會心處、輒寓琴書、然久者數年、近者數月、棄去弗顧、若雪泥鴻爪然、今乃眷顧一池、屈冥飛之翼、下而居之、拮据經營、如將終身者、何哉、亦以夫詩汎所出也、夫詩汎嘗出於此、流衍都門、波及海內、誰知此池涓涓之小、而其澤乃如此、是亦天下上游已、豈可聽其竭涸荒廢哉、今得公圖據而居之、廢者將興、涸者將流、前日之盛、將可復也、

然今之園池、非嚮之園池、今之亭榭、非嚮之亭榭、而公圖詩汎、又稍異於嚮之二老、是名雖曰依舊、實則創新也、猶之少康之於夏、文叔之於漢、名同而實異、公圖其可弗勉哉、今池已開、築已就矣、人皆引領刮目、將大有望於公圖也、及其索記、書以勗之、

天保甲午、南至銕研學人齋藤謙撰



貴齊大野善書

星巖丁集

星巖丁集目錄

卷一

玉池生集原藁古今體共五十二首刪存三十三首

卷二

玉池生集原藁古今體共七十三首刪存五十二首

卷三

玉池生集原藁古今體共五十三首刪存二十二首

首

星巖子集

卷四

土池生集原藁古今體共七十五首刪存五十四首

卷五

玉池生集原藁古今體共八十二首刪存六十九首

通計原藁古今體共三百三十五首刪存二百三十首

星巖子集卷一



公圖

玉池生集

一起丁未八月

玉池新築五首

錄三

經營草草十旬餘，斷手玄冬感發初。  
崇廈豈能安鳥雀，把茅取足庇琴書。  
杜陵奔走空皮骨，韓愈辛勤有屋廬。  
廉讓中間只應好，何須輪奐始稱居。  
浚池疊石學幽棲，巷不容車門亦低。  
魚弄輕冰光臂臂，雲籠殘日影淒淒。  
寒蔬儘有園官贈，蘿鯽何勞膾手搘。  
聞說攝船多運酒，也要一勺到吾臍。

漫道三遷益母同，先生無乃太忽。<sup>亦</sup>忽往來不厭搬薑鼠，  
重疊能任負版蟲。雪意欲成陰已結，梅花乍放日微烘。  
流光鼎鼎亦如此，萬事人間亡是公。

叭叭兒詞送飯田子義歸長門

子義將歸持谷文晁画鴟鴞圖

米索題乃作此

叭叭兒愛汝語言巧且奇，林樾陰疎雨乍霽。啼上庭前喬樹枝，是時田生歸故里。我為置酒聊餞之，卮在手聲在頭上。叭叭兒，叭叭啼不已。手亦不停卮，不復卮亦停。何害只恨教人不暇話，別離田生已去酒方醒。正是兩何害，只恨教人不暇話。別離田生已去酒方醒。正是

是叭叭啼已時。

元日

酴醿香裏坐團欝，已有春風度竹欄。亦是人家閒富貴，盆花金綻賀正蘭。

十八日遊淺草偶閱花市買西施梅一株，賃小舟以載歸。

青錢三百買明粧，攜向春波影也香。漫把風華自夸艷，鵝黃一舸載夷光。

禊戲題花插

一雙每倒沙頭玉，百尺長沈井底銀。何物瓦砾能大膽，欲涵三萬六千春。

祭酒林先生谷中別墅陪令嗣檉宇君看殘梅  
同池無絃賦

同池無絃賦

野人亦肯見招同二月林園景已融共喜從容陪笑語  
殘梅花下坐春風

春朝卧雨得長句

朝暉開還合，幻成萬縷霞。東風忽送紅杏雨，已見霏微  
溼。啼鴉憶昔重來，尚年少。黃金買斷，滿城花。熙內啁嘈  
選名伎，鋪翠磊落驅大車。可惜春來春去太飄忽，縱令  
具千億手誰得遮。羣物迴旋固常理，何湏老至始咨嗟。  
一炷清香閒有味，卧聽琴。筑滴簷牙東顧山。花墨水酒。

付他羣衆鬪風華

十春詞有引

昔六如上人在洛賦十春詞營禮卿兄弟從而和之  
一時交際風致使人想像于五十年之下矣今茲乙  
未之春余杜門養痾況味無憊乃借其題成詠亦聊  
以自遣耳

遠翠遙青粧點春凌晨隔水看逾新築波山是八姨樣  
淡掃雙尖來向人二春山

淡掃雙尖來向人  
春山

江上餘寒去却來彫簷微落豆薰灰鳳笙聲澀不成曲  
又倩春纖煖一回春寒

戎戎雲氣蘸春波更有何人鼓枻過茅屋酒香孤賞好  
杏花時節雨聲多春雨

芳露無聲溼畫柱庭林月半影高低今年真是明寒食  
數了春鴉一一棲春月

薄醉紅潮半臉霞尋纏多在酒人家簾前點淡春如夢  
淺草鐘聲上野花春陰

香爐茗椀養餘醒負此東風爛漫晴幾線春聲近天半  
好童爭放美人箏春晴

梨花澹白月朧明宴罷金壺下五更殘醉瞢騰人在夢

一聲已度上林鶯春曉

香風灑雪石床溫呼醒蠻奴醉夢魂好倩影娥扶得起

荼蘼架上月黃昏春夕

小劫歷來三十年花天酒地夢空牽莫持錦瑟重彈動  
聞說當時已惘然春夢

美人風箏六首

飄揚容易絕浮埃飛燕驚鴻盡却回天上再開奔月路  
人間久廢避風臺鴉頭襪小踴雲裂鵠翅扇輕遮日來  
早見紅顏生羽翰秦皇何敢覓蓬萊

幻奇休說李騰空，別有嬪娟能馭風。  
湘骨無塵何用撥，剡膚如雪豈其融。且疑貴相女吞日，肯比荒年人變虹。

誦徹靈飛經一局琅琅聲，近彩雲中。

誰畫多情寄碧翁，落霞反觀下裳紅。  
始看飛燕善成舞，方信封姨能使風。色界魂迷春杳杳，金城鼓動暮蓬蓬。

妖童牽得如佳婿，宛轉車兒在掌中。

塵緣未脫一條絲，輕舉翩然何所之。  
中路怕逢行雨女，繁聲相應入雲兒。免環奪魄來慣，天體如飴嘗得知。

聞道高叅能掌判，九霄何處訂佳期。

竹蝶圖爲齊藤有齡題

園庭無復一枝紅，芳草夕陽殘夢中。  
九十春光遊未足，粉衣猶颺竹梢風。

聞蛙次有終韵

玄魚脫尾不多時，有似人間乳臭兒。  
一雨水添能幾許，囂然聲已鬧前池。

同神寶甫宮士淵，泛墨田川賦長句。  
兼贈二子川色採藍欲染衣，一篙啞噉破煙霏。  
銀絲掠水雨師過，彩暈彌天虹女飛。  
沙步笛聲桓子野，江城詩句謝玄暉。  
風華今古燦相映，不得君曹誰與歸。

鞠津中村生寄保命酒索詩

曩年流寓地相隣頗識君家麴味醇千里遠投江府暮  
一尊重對酌津春花前携去興應甚燈下開來眉已伸  
欲詠小詩中剽厚睨醉吟顛脫老烏巾

題栗伯資畫野鶴圖

田蠶化為鴛井蛙變為鶴又聞應列星異論太翁紜紜  
紜復何理只愛性至醇到處多附草飛鳴動成羣嗚呼  
東原西野足網罟勸汝竄伏勿輕舉同類相呼巧致汝  
不免全家赴鼎俎此時潛入夢乞命亦何補人生罹禍  
機往往有如許今我對此圖撫事感歎不能無忽憶晨  
征深草里前峯月曉一聲呼

和嶺田士德夏日閒詠三首戲倣其體

端三端四雨濛濛睡美茶煙香靄中蜘蛛一聲霖欲斷  
罘罳半角日初烘心虛浮對檀樂碧羽化終輸一紅

簷銕向人拋冷語滴丁東裏滴丁東

鵬飛鵠落自高卑貧士功夫閑最宜千顆收來金彈子  
滿庭養得綠塲兒叅無孔笛何曾惡弄一漫絲琴亦一奇  
喚取繖山方竹瘦千窓時復試黃鸝

孤鳳不鳴黃帶鑑雙龍久蟄刃生衣區區吾輩將何用  
滾滾天公巧弄機林下夫人方展翠山中少女已披緋  
池塘又見嬌娃笑也賽侯門錦打圍

和天然上人壇浦懷古詩  
鼓聲鞞鞳白波寒海勢弓彎五百壇誰把君臣罔極恨  
鶡弦鏗撥月中彈

題內張氏畫子母兔圖

冰輪光滿桂花枝紅耳霜毛已弄姿肯向人間輕許嫁  
待他金杵聘來時

星巖丁集卷一

星巖丁集卷二

美濃寺梁公圖

玉池生集二

乙未八月丙申三月

乙未八月將赴下毛行經忍城訪芳川公晦寓  
此數年居余嘗別公晦於東海道沼津驛倏忽二十餘  
年得再晤歡如平生酒間賦長句見贈即次其  
類因韻以答

海郵一別廿餘秋豈料山城重聚頭倒盡寒醅蠭故態  
剪殘夜燭話曾遊衰年漫自誇三樂薰旬空能續四愁  
經國文章真鼎鼐待君扛舉鎮軒浮

刀禡河上口號

東寧河上西風急，征馬長嘶日欲頽。  
地近毛山漸出，天當八月鴈初來。  
英雄骨朽餘軍壘，雀巖聲稀長草萊。  
饑困猶勝兵燹厄，幸逢昭丘莫興哀。

中秋賞月於壽因堂是夕陰晴不定  
滿簾風露桂花秋坐到鐘殘漏盡頭撥得雲帷旋復聞  
常娥畢竟見人羞

題畫絕句十首錄六

余廿年前就檀三坡受墨法，習之僅兩期而罷。今茲  
秋在足利釀舍偶為一生揮灑，請者尋至焉。嗚呼某  
一絕句觀者可以知余興懷之所寄耳。

慘澹圖成思有餘，雲林何處是吾廬。  
買山不得畫山賣，一笑先生生計疎。

東走西馳鬢已斑，百年能得幾朝閒。  
奇青峭碧筆頭涌，多是平生絰歷山。

烟雨濛濛秋已殘，遠情羈緒兩無端。  
可憐零落一枝華，刃出家山紙上看。

北來無地不辱顏，行盡朝嵐夕霧間。  
從此匠心高一著，

梁家粉本是毛山

客牕吹筆消閒晝何必傀迂黃大癡競秀二毛山萬憂惟能對此有餘師

胷堂瀟灑本無塵筆底雲山一一真瓶盃家風誅罵祖維摩羅詰彼何人

客居雜句五首

錄三

霜紅樹樹麗於春散紫夕陽溪水濱村釀雖然風味薄也禁一盞即醺人

三尺霜鱗金潑刺為軒為膾有餘材溪翁衝雨來相餉云是凌晨網得回

菌花帶土色猶活栗子脫蓬香未乾不恨飄零長作客  
餓腸隨處得加餐

題竹谷道人畫二首為岡田突平

三寸霜毫萬斛泉才華景仰玉堂儂洞簫吹斷無消息

山月江風五百年前赤壁圖

謫官商婦事雖異淪落天涯情或同賺得江州司馬淚琵琶聲沸月明中琵琶行圖

山路聞蟬

蟬正嘶時容正愁夕陽黃葉滿山秋一聲已白數莖疑不白渾頭不肯休

遊行道山題僧壁

峯峯如笏刺青天，一磴盤旋飛鳥前。  
紅老楓人衣露肘，綠荒石丈髮蒙肩。  
朝霞烘透龕中影，夜雨添來樹杪泉。  
誰導山深寒氣早，春風長在芋爐邊。

自行道山夜返至足利寓舍神恩恍惚不能寐  
起圖其勝并題長句以示同游

是日同游志永世渡邊以古  
輪洞水凡七人勸余留詩乃賦長句四韵題壁

山僧見之大喜  
結末故及焉

遊山擬續客兒篇，非慕遠公念佛蓮。  
鷄鳴起蠟屐雙齒，早發與禽爭後先。  
山中昨夜龍行雨，洗出林巒明且蠲。

瀑吼角劙走當路，噴珠散作萬條煙。  
一級一級百千級，登登危欲到青天。  
四十九院已無跡，古殿壓山故巋然。  
巧有孤亭占孤絕，羣峯向此如高揖。  
環亭皆石隙生松，松乎石乎何戢戢。松以石老逾屈盤石以松青常沾溼。  
句成痴壁痕未乾，驀忽天風捲雲入洶洶。  
四面生波濤，亭也砥柱中流立。下界鐘鳴日漸昏，  
出門一走脚遂巡。歸來心魄尚搖蕩，怪貌異形來魘人。  
叱起尖奴急影寫，敢言面目果得真。後遊有約囑公等慎莫題詩山衲嗔。  
題懷露老人生嘵。  
流水年光真可哀，丘間何地不愁臺。  
玉山佳處人知否？

日灑生前酒一格

余玉池之寓隙地皆種蔬亦貧家小經濟也今茲十月五日以冬蔬命題同諸子賦兼抒僉臆

得十絕句

錄七

十月林園液雨滋煙芽露甲綠參差庾郎三韭李侯二  
未害貧厨併薦之洛陽伽藍記陳留侯李崇為尚書令儀同三司富傾天下而多儉恠惡衣麗食常無肉味止有韭薤崇客李元祐語人云李令公一食十八種人問其故元祐曰二韭十八聞者大笑  
土酥津潤沁牙冷寒薤粉敷衝鼻香天欲昌詩消幾許  
只教滿腹飽冰霜

中饋烹調屬孟光般般風味入盤香誰云食內非吾相

大嚼日供纏齒羊

頓頓淹來青間黃杜陵詩手太匆忙未渠餓死墳溝壑  
尚剩冤虪三百強

傷指大啼真可嗤蓬心不食豈非癡殘莖剩葉復何撮  
苟且堪餐餐勿遺藝文類聚范宣挑菜傷指大啼曰身義傳江泌食菜不食心以其有生意也

鼎鼐調和勞大賢吾儕無事只高眠

方

括羹有此野蘄美獻與明君當幾錢

玉本蠶殘又玉延朝昏牙頰響鏘然不成一事頭斑白  
咬菜仍須二十年

詠史三首

錄二

桃李春風好面皮餚成山積酒成池豈知草野鵠形者  
欲問官家乞內糜

宴晏由來禍所胎柱教太史立清臺長星至竟成何事  
只賺天厨酒一桮

冬日雜興八首

錄五

霰聲如彈到虛檐有底玄冥令太嚴只對殺青開兩眼  
從教乾白上疎鬚蠣房剗去馬蹄大葱甲剪來人指尖  
誰道客居貧透骨常羞也得味相兼

老慵最怕岳粉啜莫怪局門寡所交詩境或從貧後進

酒杯未肯病來拋寒燈花點和煙落曉戶風喧帶葉敲  
一笑無寸庇天下三重徒守杜陵茅

湖風乾峭動庭階石脫荒衣松落釵奇骨凌嶒誰敢賞  
方頭蹀魄世相乖瓶盛竹葉吟偏好帳盡梅花夢也佳  
此州一閒吾事畢更於何處作生涯

寄蹤城市所知稀車馬紅塵十丈飛鶻突出言十在忌  
因循處事被人非飽霜狐竹寒逾咽出岫閒雲暮欲歸  
好著一蓑尋舊約明星津口釣魚磯

運老流光速似車南簷梅已試初花書存眼力課差減  
粥養胃神功漸加銜辭殘燈心耿耿灑窓急雪響沙沙

記曾湖館消寒宴百版，雲藍落醉鴉，

吳雪槎畫佛手柑長春花名曰拈花圖戲題絕

句

誰道花不言，也能開笑口。勸君休漫拈，苦刺恐傷手。

賀箕浦喬卿生子三首

四十方始獲佳兒，渾舍洋洋喜可知。我為高吟老劉句，海中仙葉子生遲。

乘弧高挂照門楣，娘看她骨相奇。真個聖尼親抱送，是書種子莫容疑。

多年胥願奉張仙，墮地之駒忽亞然。期汝前程一當百，

官家新鑄浴兒錢

有饋一大梨者，蠹敗不可食。戲題：

望見妍皮意便嘉，豈知滿腹是蟲窩。休嗔敗絮莫可食，世上檀麌人更多。

讀小畠居敬東海道中詩

鈴聲火影宵征，處店月槁霜早發。時何似向陽窓下卧，讀君東海道中詩。

十二月十一日士鄂齋中詠瓶梅，云天民所贈，生方孟叔詩先成，戲疊其韻，八首錄

百巡盃爍氣回春，誰道團欒少一人。來向座間溫似玉，

梅花即我老天民

池無絃題梅花鴟梟圖絕句風刺隱秀但恐後人讀之或不知其何所指余為作此篇以伐箋城南微雪霽梅花已洩春故陰仍慘澹缺月挂墓門有梟夜深作人語行路之客往往聞似想流離苦母乃不忠魂嗚呼汝之禍汝自招之復何云天怒人亦嘆昔者子食母今也臣啄君豈無簷間崔翩翩報君恩反被金彈害誰為雪其冤君不見鴟在泮林鳳在笯白鸞之白非純真咦咦敢言疇見聽吁嗟乎不如默不言

雪中寄齋藤有終

連朝冷絮落毬毬披帽憑欄也不堪策蹇爭能追鄭五  
讀書聊自比孫三風前復見梳翎夜半仍聞食葉蠶  
肯信此間寒刺骨梅花春已遍江南

和池無絃元日牡丹戲倣其體三首

貴彩花開第一春雲光霞氣闢丰神門庭惟有蒼官衛  
方信餘芳是庶人孫勸詩餘花似庶人

瑞日晴薰紅玉房依微風度滿宮香講官不用別經典  
發春鞭代不容疑請進春王正月章

東皇行令本無私羣卉欣欣各及時紫色花王非閨位  
發春鞭代不容疑

題裴晉公縣野探梅圖五首錄

風雪洛城寒未開，一枝春已照池臺。  
勇探探得頭番信，也似當年板蔡來。

昭代優遊綺宴開，笙歌春沸畫樓臺。  
誰知冷澹有風味，亦為梅花求句來。

花朝月下見蝶，

月在高花夜欲闌，分明照見粉衣寒。  
朝來幸脫齊紈瓦，知爾驚搖夢未安。

觀四天王寺塔圖作歌，

我聞阿育王發願，造塔滿八萬四千。

舍利爪髮有餘屑，

渡河踰海到東偏，結構隨地金碧涌。  
晃耀城市照山川，就中偉觀天王寺。  
飛勢截雲相輪圓，上宮太子活菩薩。  
連創伽藍度人天，象教從此方。隆盛八宗分派說因緣。  
法鼓僧鐘聲不斷喧，千有二百年。  
諫草誰復彈，彈佛骨。  
泮宮蕭寂鎖寒煙，白首儒生飯不足。  
守經兀兀藜床穿，嗚呼君不見。  
一彈指頭寶界現，鬼子鬼母戲青蓮。

廢宅二首

歌舞人何去，亭臺蹟已迷。  
尚餘花上鳥，恰恰入春啼。  
幕歷暝煙合，依微纖月低。  
隔牆如有影，山鬼嘯棠梨。

城西看芍藥二首

桃李紛然跡已陳，紫桐差晚也成塵。  
由來躁進率皆爾，愛汝能開婪尾春。

士女只看天艷姿，酣紅醉粉錦離披。  
多情誰是黃山谷，重問梢頭爾粟時。

星巖丁集卷二

星巖丁集卷三

美濃 梁 縱 公圖

玉池生集三

起丙申四月盡丁酉三月

初夏雜興三首戲倣劖南體

疏松密竹小茅茨，閒澹生涯分所宜。  
善且不為何況惡，高多失陷莫如卑。  
曉簷占鳥農桑候，午飯留僧荀蕨時。  
只恨霜毛搔更短，餘莖能供幾篇詩。

庭院深深靜不華，日長香篆結雲斜。  
欲呼狐姬闔幕局，慵問雙橋賣酒家。  
一扇微風薰午枕，半簾淺翠透餘花。  
蒙矓眠足無情思，閒聽山童碾綠芽。

不赴人間勢利場。一閒博得興偏長。佳賓日滿孔融座。  
濁酒時過陶侃壘。野竹梢高風有韵。池荷葉大鏡無光。  
白衣紗帽我其適。駟馬軒車渠自忙。

雨中邦莊二首

村北村南水滿田。端三端五雨如煙。土公廟下無多願。  
只禱今年是稔年。

一雨兼旬野水寬。羣蛙得氣亂更闌。雖然喧聒君當恕。  
猶幸聲聲不在官。

苦霖行

天雨毛竹生實又信州所在竹皆結實。又言斯地為饑荒志士大息吏民惶。雨毛更恐是兵

凶。憶甲午春祝融災。我何荼毒萬戶蕩然無子遺。黃童白叟仰天哭。何況爾來歲不熟。米價沸騰貴於玉。去年暨今年。賜雨幸無愆。疲氓獲食稍蘿息。豈謂夏霖復連綿。魚上平地鼠樹轉。水勢洶洶欲溢天。水失性乎何其然。我聞皇天降殃懲奢侈。今之所見母乃是。即恐龍鬪蛇戰山河裂。吁嗟盛衰寧有此。一夕雲倏卷。清風度天衢。老夫驚喜持不得。下階蹣跚走。且呼彎環新月破。昏黑太白漸低光。有無。

後苦霖行

霖乎霖乎何為乃爾霖得非天帝醉而失其度盡廢陽  
官用羣陰四海八荒雲一片炎景纔出旋復沉濛靈從  
春始經夏殊未已垂練又貫緼飛箭或相似今夕何夕  
七月七濁浪倒瀉銀河水天孫面色如地皮烏鵲翅溼  
叱不起吁嗟天孫見阻何足哀下界之人皆溺死

七月十八日風

七月十八炎未除老夫困蒙卧茅廬仄聞嗚咽竊窺細  
稍稍哀響笙竽如倏然一噫動天地五岳欲崩三光墜  
渾舍繞床只叫呼倉皇無地相回避薄暝雨注勢益加

陸闢羅熊水蛟鼉吾禾以傷吾田沒嗚呼奈爾噭噭飢  
氓何

八月朔復風

嗚呼箕伯何其暴哉吾黍已為汝所饕餮而不足今復  
來沙飛石走河水立屋瓦紛然輕落葉謂之天譴抑非  
欵怒聲豪勢久益急我讀劉向五行書一凶一豐相乘  
除雖然天意如明鑒寸丹所應毫無虛往聖達災切責  
己反風而酬良有以嗟哉斗米三錢復何時朝野莽莽  
半人鬼

歲晚書事五首錄

貧來無計度饑年，況屬冰霜節氣偏。  
剝取寒葱作湯了，一家環坐煖丹田。

鶴衣露肘釜生魚，雨雪淒淒逼歲除。  
自己饑寒猶不教，晨昏枉誦活民書。

元日口占二首

錄

荒年年酒薄如水，也有微醺上面皮。  
貪聽梅梢雙雀語，半簾紅影坐春曦。  
能與初開爭幾多。

詠殘梅示人

大抵人心偏愛早，殘梅時節等閒過。  
請君細看到結尾，能與初開爭幾多。

江山翁挽詞二首

錄

家在兒能保，人亡事可傳。  
平生居好客，瀟灑氣如仙。  
詩足三千首，名喧五十年。  
所嗟一桮酒，不到九重泉。

詠史二首

薰蕎無際水悠悠，二百年來霸氣收。  
尚剩金湯為保障，誰名仁義弄戈矛。  
清平有事是天警，合黨雖多非國讐。  
君子原情定功罪，賈紜妄誕豈春秋。  
  
驀地風濤舞老鯨，礮車迅發百靄聲。  
石頭從昔例縱火，京口於今能用兵。  
為惜先生空講道，可嗤豎子漫成名。  
捷書只報孫歆死，不道冥鴻萬里行。

閒居有感二首

韓子辛勤二十春茅廬方始得經營不知夷鬼有何術  
七寶莊嚴頃刻成

果有名傳百代麼吟邊光景急於梭上厨赤女春容老  
當砌青人夏意多

星巖丁集卷二

星巖丁集卷四

羨濃 梁緯公圖

王池生集四

起丁酉四月盡十二月

荷錢

水華吟社課題

鑄成重疊綠圓勻方見水浮名號真長短蘆抽疑鑿孔  
東西魚戲欲磨輪龍脂卸錦空相委蝟腹藏珠徒自珍  
誰似多情何渺子能持十萬贖祖春杜佑通典後魏孝  
更薄小乃至風飄水浮○古詩魚戲蓮葉東魚戲蓮葉西

湖上看雨得雨字

滿湖煙氣熾於縷時節方知近端午學取宣州杜牧之

一尊春酒看微雨

夏日雜句三首

薰旬蒙驟雨如煙衣醭生花楷不燭門柳梢頭一蟬咽  
家人已判出梅天  
日出三通鼓齒牙香匣烟裊碧牋斜不知窗外熹微影  
移及紅桑第幾花

素心蘭

草堂課題

露洗香逾烈瑩然迥出塵紫緋吾厭汝友此素心人  
不忍池觀蓮同大沼子壽

過了三庚花轉妍一尊來酌小涼天山林間有忘言士

陂澤今多不語仙露濕羅巾紅欲墊風搖彤扇碧逾圓  
莫辨蕉甲十分飲滿袖餘薰醒可蠲

七月念日草堂小集風雨驟至高子遠墨竹成

目題其上方

炎景陰沉雲氣色颯然風雨到衡茅看君筆底能爭勢  
一幅溪藤走鬱蛟

月露

五山堂課題

何須故故問方諸隨處流光珠不如宛轉艾荷盤上集  
依稀瑪瑙瓮中儲神明臺峻金莖直闔闔天涼碧葉疎  
記否米家書案側也曾泣下玉蟾蜍

中秋對月

鴈風燕雨坐來收，仰見金波穆穆流。四海八荒同一月，十年無此好。中秋江潭樂處，魚龍舞林薄。誰家鬼魅愁，久矣人間苦。塵翳今宵幸與洗，雙眸。

送二宮子容歸周防

三歲文場交已熟，可堪此日送征朝。離腸酒咽難為醉，別路雲開故引愁。殘雨夕陽函嶺樹，一蓬明月擣津舟。西歸知爾才彌逸，華翰風高錦水秋。

題堯民野醉圖

鑿井而飲，耕地而食。南畝北隴，歌帝力，禾黍芃芃，風露

香未及收穫，事休息老劣。呼出村會飲，渾頭渾一翁。歌嗚嗚，一翁拊瓦盆。甲逃乙相逐，彼醒此昏昏。擊壤或鼓腹，爛漫見天真。夕陽注山扶得返，落後丁壯尚喧喧。噫，堯代無酒何由成酣醉，我知畫師筆底有假託。我不見畫，但見意。五風十雨仁澤施，雖無杯飲亦蕙蕙而有杯飲。又何加畫師之情深，且至能以麴蘖補堯典。梅花入騷，可取辭。君不見北季凶荒氓，疲餒一粒米灑千行淚。即有桮飲誰其樂，何況市戶不輕出。消渴之水價連城，母乃姦謀罔重利。只願豐穰年年地，皆出醴泉教吾億地。酣歌醉抃長共戴堯天。

韓蘄王榮塞圖

零碎湖山儘可看。一瓢春酒坐驢輦。休言今日清涼極。  
也勝風霜朔漠寒。

南洞公以九日發軫回獻野菊一枝。係以絕句。  
五十三郵霜已寒。一枝聊與祝平安。不知金葉扶疎影。  
能供輿窓幾日看。

雨中同宮澤神遊守邦抱儀送南洞公至戶冢  
驛路上得長句時歲儉無酒抱儀攜茶

風雨驅刀輿軋鴻。行步轉海之涯。泯丁凶歲雖無食。  
菊值重陽也有花。馬語鈴聲荒驛路。杜扉竹屋野人家。

從教欠了陶潛酒。喫盡盧仝七碗茶。

馬脊阪小憩

馬脊阪南雲作堆。水光山色未全開。筠輿坐雨人休怪。  
要看西施出浴來。

能見堂吊心越禪師

峯雲高擁古香城。下瞰秋波一片明。壞帛彈琴人已去。  
遺音惟有暮潮聲。

雨將霽遂抵金澤賦示神遊抱儀索和

西風驅雨曉纔收。一舉同為汗漫遊。巖壑改容迎客步。  
江湖作意洗塵愁。已來天下無雙境。冒落人間第二流。

浩蕩寒波君看取誰能馳得海中鷗

重寓總宜樓有懷亡友大窪天民山本公行佐

羽蘭卿

烏帽紅衫小合并記曾轟飲學長鯨青州從事舊莫逆  
碧海舍人新訂盟六浦秋寒枯葦影雙橋暮闌落潮聲  
依稀二十年前夢重撫風煙空復情

漢人餽海貝數枚其殼外紫內紅媚髮蒙額意  
印閩俗所謂東海夫人者

顧髮微濡咷半唇溫柔風味可為珍不來金澤爭能見  
東海夫人面目真

過文庫故趾

五百年前茲誦聲忍聞野鳥草蟲鳴殘籤斷軸散亡盡  
父老尚誇文庫名

金澤次神遊韻兼示抱儀二首

前有金岡後越公幽尋誰敢繼高風雲情含雨山逾碧  
霜氣歸楓岸欲紅沙鳥飛來詩筆底漁家住在畫屏中  
莫言今昔不相及今我昔人將母同抱儀神遊善詩巧文

江山萬古傲王公鼓棹鳴榔浦浦風暮雨遮峯三面黑  
殘霞透水半灣紅敢嗟老至居人下只怕年流是夢中  
急脫塵羈來問勝此心幸得數君同

十三夜對月次抱儀韻二首

天不見星何況月宵宵敲夢雨聲寒庸知九月十三夜  
夜半雲開恰入看

喚酒呼觥須盡歡金波歛灑海風寒老天行雨非無謂  
洗出蟾光與客看

十四夜神奈川酒樓仍用前韻

坐待冰丸跳出海水龍吟激暮潮寒玉光忽涌三千尺  
倒影浮圖正面看

歌酒滿樓人共歡盡教風露外邊寒方兄也有周生術  
呼下常娥掌上看

醉後重題示同游

不記漏藏更點加飛觥如織語喧譁逃席道人非酒酒  
倚絃小妓是茶茶二分明月秋無賴一瞥流年鬢有華  
逢此良宵能幾度勿辭歡賞到晨鴉

歸路過海晏寺看楓倣南宋人體題二絕句  
只道霜楓紅未回不知風力暗相催錦標高出白雲表  
欲使遊人望得來

左手持螯右手空應緣消水趙城同誰知天酒不論價  
醉殺楓人能樣紅

水戶藩老藤田君見示九日雨中從侯駕朝

大府之什，因次其韻以贈。

世間萬事足虛聲，落帽來軍浪得名。  
何似夫君侍侯駕，滿天風雨入嚴城。

摩柑夜酌六首

錄

滿簷霜月夜沈沈，嘉樹香來動小斟。  
一笑麻姑誇鳥爪，摩開醜醜幾丸金。

香霧霏霏噀手濃，翹神藉汝更惺忪。  
江陵千樹雖無分，亦抵人間百戶封。

紅螺心凸碧如油，玉甲尖搘香欲流。  
滑辯清甘真勍敵，烏程兼領洞庭秋。

朗誦蠅臣頌一章，醉嵬恍惚落湖湘。  
他年得地裁三百，也合安亭署楚香。

冬晴得蒸韵

霜氣呈晴寒益增，丹楓烏桕共凌兢。  
無端更被暮風擺，又現西山青一棱。

夜寒枕上有作

桂玉朝昏闕，客情百年何計。  
免營營，殘燈點澹宵偏永。  
飢鼠號，夢數驚天半月弓。  
寒有影，風中霜及折無聲。  
思量人，岳誰非我不到夷齊。  
不是清。

題莊子原臨趙松雪墨蹟二首

錄

陣雲銀石捲波瀾，妙墨淋漓痕未乾。宛是一泓秋水淨，道場山色鏡中看。

菊池正觀公雙刀歌贈士固

士固手中雙龍精，倚天拔鞘電虹明。云是吾祖之所佩，魑魅奔逃，螭蟠驚雄者二尺有三寸。歎曰正平十年肥，州末貞雌也。不盈尺，十二年二月左安吉作。乃祖持之佐天子，一心忠赤照前史。當時國讐塞八埏，敵勢來如風雨駛。咄咄何蛇豕，敢抗衡。此賊不滅誓不生。躍起大呼提刀出，剪入如草肅。無聲禡檔血裏數外鏃，百戰歸來笑搘腹。事成不成皆天耳，力扶大廈西南覆。嗟。

武死竭臣職，生臣忠盡瘁。何人能始終，奕奕勤王節。不變菊池楠，氏將無同五百年。前去鴻滅子孫尚護兩條鏃。如見嚴霜烈日心寒芒，刺刺吹腥血。曩我征吊遺蹤，筑河噴怒何洶洶。至今民俗欽忠義，為說明公挫二兜。史云正平十四年己亥歲，武光與足利黨少貳大友二氏大戰，筑後河側克之。嗚呼當今海內無豪傑，所憂新范榛蕪甚。以文繼武豈不可，削而平之是汝任。士固士固其勉旃，祖宗神靈在汝前。

有感

瑞鳳祥麟情豈異，香楠芳鞠品應侔。如何一步纔相左，已落人間第二流。

大沼子壽房山集題辭五首

韓畏之亡，兒子在。新篇麗格早馳名。請君傾耳細聽取，  
雛鳳清於老鳳聲。

東叢山花朝岸憤，墨沱川月夜呼船。花前月底吟不足，  
更到蠻風蛩雨邊。平聲延

一帶房山倚沉寥。想君氣宇覺空堊。能將三寸霜毫穎，  
翻倒南溟黑水潮。

房山集出世爭誦。或是山靈也讓靈。借問吾來探勝者，  
幾人詩句得寧馨。

海內宗工釣雪舟。池無壯書，慕楊誠齋，繼之士鄂共神

感懷二首

歲光何荏苒，世路太樞勦。孤憤石皆裂，一寒天亦荒。欲  
風林鳥噪生其雨野雲忙，寸草心空在。猶能向大陽。

圍爐小飲家僮報道雪大作。

一杯煖却杜茅紩。已覺沖融春滿懷。不信外頭寒刺刺，  
天風剪水灑庭階。

歸舟遇雪

草堂課題

黃昏回棹下，寒波忽見瓊塵集。短蓑憶昨詠，歸沿此路。  
春風掠面落花多。

雪兔五首

五山堂課題

玉戲開場屬老天，誰收餘屑巧彫鏤。跳躋宛似在霜野，追捕危將呼露筌。搜出雙尖疑馬耳，蹲來孤影類人拳。也知瑞獸符昭代，併付鴉娘嗣有年。

補來造化是妖童，冷絮團團捏得工。跪立趺居應子母，迷離樸翔孰雌雄。昆山片玉落吾手，天上廣寒非汝宮。喚做長生也消歇，方知羣有悉皆空。

瑤臺曾見搗玄霜，何意寒雲是本相。口缺非關風鼓刃，毫尖切恐日流光。窖藏不用擬三窟，盆玩且須同一床。正好重陰配陽德，賀冬來助萬年觴。

陰夜月明真異常，玉衡星散果何祥。不尋斧鑿自然巧，現出瓊姿晶有光。青女素娥雙姊妹，神風僂露共心腸。韓盧雖捷爭相及，纔見陽烏跡已亡。

雙目種成南燭紅，渾身透徹見玲瓏。誰知北陸玄冥族，變作仙人白兔公。祇合移居研山畔，不勝縛入管城中。從他更化一杼水，乞與文園消渴翁。

題賈島祭詩圖

山地孟教輝天居課題

飄瞥床頭一卷詩，郎君不解是為誰。年年枉費酒脯奠，惟有終南山色知。

偶閱顧鍊卿清嘉錄，吳俗以巨煤墼為歡喜團。

除夕燒之指小兒女之稱意者亦曰歡喜團余  
也貧老已無炭以過年又無兒女慰眼前乃作  
一絕句以自戲

豈有二嬌兒一能慰老也無香炭解消寒梅花笑立吟燈畔  
即我一家歡喜團

星巖丁集卷四

門人江戶遠山澹雪如  
羨濃菱田旗成祥 較訂

